

35

BA

经至

北涼三藏法師墨無讖譯

佛尼牟迦釋師本無南



目錄

| 卷 | 第 | _ | | | | | | | | | | | |
|---|---|----------|---|-------|-------|-------|---------|-------|---------|---------|-------|---------|------------|
| 序 | 品 | 第 | _ | ••• | • • • | • • • | • • • • | • • • | • • • • | • • • • | • • • | • • • | 1 |
| 壽 | 量 | 品 | 第 | _ | ••• | • • • | • • • • | • • • | • • • • | • • • • | • • • | • • • | 5 |
| 懺 | 悔 | 品 | 第 | Ξ | • • • | • • • | • • • • | • • • | • • • (| ••• | • • • | • • • | 10 |
| 讚 | 歎 | 品 | 第 | 四 | • • • | • • • | • • • (| • • • | • • • (| • • • • | • • • | •••, | 32 |
| 空 | 品 | 第 | 五 | • • • | • • • | • • • | • • • (| • • • | • • • (| • • • • | • • • | • • • • | 41 |
| 卷 | 第 | <u>_</u> | | | | | | | | | | | |
| 四 | 天 | 王 | 品 | 第 | 六 | • • • | • • • • | • • • | • • • (| ••• | • • • | • • • • | 48 |
| 大 | 辯 | 天 | 神 | 品 | 第 | 七 | | • • • | • • • (| ••• | • • • | | 7 9 |
| 功 | 德 | 天 | 品 | 第 | 八 | ••• | • • • (| • • • | • • • (| • • • • | • • • | • • • (| 80 |
| 堅 | 牢 | 地 | 神 | 品 | 第 | 九 | 7 • • • | • • • | • • • (| • • • • | • • • | • • • (| 86 |
| 卷 | 第 | Ξ | | | | | | | | | | | |
| 散 | 脂 | 鬼 | 神 | 品 | 第 | + | • • • | • • • | • • • (| • • • • | • • • | ••• | 92 |

| 正論品第十一 | 95 |
|-------------------------|-----|
| 善集品第十二 | 107 |
| 鬼神品第十三 | 116 |
| 授記品第十四 | 130 |
| 除病品第十五 | 135 |
| | |
| 卷第四 | |
| 卷第四 流水長者子品第十六······· | 142 |
| | |
| 流水長者子品第十六 | 152 |

金光明經

北涼三藏法師曇無讖譯 卷第一 序品第一

如是我聞:一時,佛住王舍大城 耆闍崛山,是時如來遊於無量甚 深法性諸佛行處,過諸菩薩所行 清淨。

我今當說 所生功德 為無有上 能壞諸苦 盡不善業 一切種智 無量功德 滅除諸苦 諸根不具 貧窮困苦 諸天捨離 親厚鬪訟 王法所加 各各岔諍 財物損耗 愁憂恐怖 眾邪蠱道 臥見惡夢 晝則愁惱 當淨洗浴 至心清淨 著淨潔衣

懺悔等法 而為根本 之所莊嚴 與無量樂 壽命損減 惡星災異 變怪相續 聽是經典

專聽諸佛 是經威德 如是諸惡 護世四王 并及無量 悉來擁護 大辯天神 鬼子母神 大梵尊天 三十三天 大神龍王 迦樓羅王 與其眷屬 擁護是人 我今所說 甚深祕密

甚深行處 能悉消除 令其寂滅 將諸官屬 夜叉之眾 持是經者 尼連河神 地神堅牢 緊那羅王 阿修羅王 悉共至彼 書夜不離 諸佛世尊 微妙行處

億百千劫 若得聞經 若心隨喜 如是之人 常為諸天 八部所敬 如是修行 生功德者 得不思議 亦為十方 深行菩薩 著淨衣服 慈心供養 常不遠離 身意清淨 歡喜悅豫 若得聽聞 人身人道

甚難得值 若為他說 若設供養 於無量劫 無量福聚 諸佛世尊 之所護持 以上妙香 無諸垢穢 深樂是典 當知善得 及以正命 若聞懺悔 執持在心 是上善根 諸佛所讚

壽量品第二

爾時王舍城中有菩薩摩訶薩名曰 信相,已曾供養過去無量億那由 他百千諸佛,種諸善根,是信相 菩薩作是思惟:何因何緣釋迦如 來壽命短促,方八十年?」復更 念言:「如佛所說,有二因緣壽命 得長。何等為二?一者、不殺, 二者、施食。而我世尊於無量百 千億那由他阿僧祇劫,修不殺戒, 具足十善,飲食惠施不可限量, 乃至己身骨髓肉血充足飽滿飢餓 眾生,況餘飲食!

大士如是至心念佛, 思是義時, 其室自然廣博嚴事, 天紺琉璃種 種眾寶雜廁間錯以成其地,猶如 如來所居淨土。有妙香氣過諸天 香,煙雲垂布遍滿其室。其室四 面各有四寶,上妙高座自然而出, 純以天衣而為敷具。是妙座上各 有諸佛所受用華, 眾寶合成。於 蓮華上有四如來:東方名阿閦, 南方名寶相,西方名無量壽,北 方名微妙聲。是四如來自然而坐 師子座上,放大光明照王舍城, 及此三千大千世界,乃至十方恆 河沙等諸佛世界,雨諸天華,作 天伎樂。爾時三千大千世界所有

眾生以佛神力受天快樂,諸根不 具即得具足。舉要言之,一切世 間所有利益,未曾有事悉具出現。 爾時信相菩薩見是諸佛及希有事, 歡喜踊躍,恭敬合掌,向諸世尊, 至心念佛,作是思惟: 釋迦如來 無量功德, 唯壽命中心生疑惑, 云何如來壽命如是方八十年? 爾時四佛以正遍知告信相菩薩: 「善男子!汝今不應思量如來壽 命短促。何以故?善男子!我等 不見諸天、世人、魔眾、梵眾、 沙門、婆羅門、人及非人,有能 思算如來壽量,知其齊限,唯除 如來。」

時四如來將欲宣暢釋迦文佛所得壽命,欲、色界天、諸龍、鬼神、乾闥婆、阿修羅、迦樓羅、緊那羅、摩睺羅伽,及無量百千億那,會隨摩訶薩摩訶薩摩訶薩摩訶薩摩訶薩摩訶佛於大眾中,略以偈喻說釋迦如來所得壽量,而作頌曰:

無有能出人子是無是無有能力是緣命士邊。不是故意,不是故意,不是故意,不是故意。如此是,不是故意。如此是,不是故意。如此是,是我。如此是,是我。如此是,是我。

爾時信相菩薩摩訶薩,聞是四佛宣說如來壽命無量,深心信解,歡喜踊躍。說是如來壽量品時,無量無邊阿僧祇眾生發阿耨多羅三藐三菩提心。時四如來忽然不現。

懺悔品第三

爾時信相菩薩即於其夜夢見金鼓, 其狀姝大,其明普照喻如日光。 復於光中得見十方無量無邊諸佛 世尊, 眾寶樹下坐琉璃座, 與無 量百千眷屬圍繞而為說法。見有 一人似婆羅門,以枹擊鼓出大音 聲,其聲演說懺悔偈頌。時信相 菩薩從夢寤已,至心憶念夢中所 開懺悔偈頌,過夜至旦出王舍城。 爾時亦有無量無邊百千眾生與菩 薩俱往耆闍崛山,至於佛所。至 佛所已頂禮佛足,右繞三匝卻坐 一面,敬心合掌,瞻仰尊顏目不 暫捨,以其夢中所見金鼓及懺悔

偈向如來說:

昨夜所夢 至心憶持 夢見金鼓 妙色晃耀 其光大盛 明踰於日 遍照十方 恆沙世界 又因此光 得見諸佛 眾寶樹下 坐琉璃座 無量大眾 圍繞說法 見婆羅門 擊是金鼓 其鼓音中 說如是偈 是大金鼓 所出妙音 悉能滅除 三世諸苦 地獄餓鬼 畜生等苦 貧窮困厄 及諸有苦 是鼓所出 微妙之音

能除眾生 斷眾怖畏 令得無懼 猶如諸佛 諸佛聖人 離於生死 如是眾生 定及助道 是鼓所出 令眾生得 證佛無上 轉無上輪 住壽無量 不思議劫 演說正法 能害煩惱 貪瞋癡等

諸惱所逼 得無所畏 所成功德 到大智岸 所得功德 猶如大海 如是妙音 梵音深遠 菩提勝果 微妙清淨 利益眾生 消除諸苦 悉令寂滅 若有眾生 處在地獄 燒炙其身 大火熾然 微妙音聲 若聞金鼓 所出言教 即尋禮佛 亦令眾生 得知宿命 百生千生 千萬億生 令心正念 諸佛世尊 亦聞無上 微妙之言 是金鼓中 所出妙音 復令眾生 值遇諸佛 遠離一切 諸惡業等 善修無量 白淨之業 諸天世人 及餘眾生 隨其所思 諸所願求 如是金鼓 所出之音

皆悉能令 若有眾生 墮大地獄 猛火炎熾 無有救護 當令是等 若有眾生 諸苦所切 三惡道報 及以人中 如是金鼓 所出之音 悉能滅除 一切諸苦 無依無歸 無有救護 我為是等 是諸世尊 今當證知 久已於我 生大悲心 在在處處 現在世雄 雨足之尊

成就具足 焚燒其身 流轉諸難 悉滅諸苦 作歸依處 十方諸佛

我本所作 惡不善業 今者懺悔 諸十力前 不識諸佛 不解善法 自恃種姓 盛年放逸 心念不善 口作惡業 隨心所作 不見其過 凡夫愚行 無知闇覆 親近惡友 五欲因緣 不知厭足 親近非聖 貧窮因緣 姦諂作惡 繫屬於他 常有怖畏

及父母恩 造作眾惡 及諸財寶 作諸惡行 煩惱亂心 心生忿恚 故作眾惡 因生慳嫉

不得自在 而造諸惡 貪欲恚癡 擾動其心 渴爱所逼 造作眾惡 依因衣食 及以女色 造作眾惡 諸結惱熱 身口意惡 所集三業 如是眾罪 今悉懺悔 或不恭敬 佛法聖眾 如是眾罪 今悉懺悔 或不恭敬 緣覺菩薩 如是眾罪 今悉懺悔 以無智故 誹謗正法 不知恭敬 父母尊長 如是眾罪 今悉懺悔 愚惑所覆 驕慢放逸

因貪恚癡 造作諸惡 如是眾罪 今悉懺悔 我今供養 無量無邊 三千大千 世界諸佛 我當拔濟 十方一切 無量眾生 所有諸苦 我當安止 不可思議 阿僧祇眾 令住十地 已得安止 住十地者 悉令具足 如來正覺 為一眾生 億劫修行 使無量眾 令度苦海 我當為是 諸眾生等 演說微妙 甚深悔法 所謂金光 滅除諸惡

千劫所作 若能至心 一懺悔者 如是眾罪 我今已說 是金光明 速能滅除 一切業障 我當安止 住於十地 十種珍寶 成佛無上 令諸眾生 諸佛所有 甚深法藏 不可思議 一切種智 百千禪定 不可思議 諸陀羅尼

極重惡業 悉皆滅盡 懺悔之法 清淨微妙 以為腳足 功德光明 度三有海 無量功德 願悉具足 根力覺道

十力世尊 諸佛世尊 當證微誠 若我百劫 以是因緣 生大憂苦 貧窮困乏 愁熱驚懼 怖畏惡業 在在處處 十方現在 大悲世尊 能除眾生 願當受我 令我恐懼 我之所有 惟願現在 以大悲水 洗除令淨

我當成就 有大慈悲 哀受我悔 所作眾惡 心常怯劣 暫無歡樂 一切怖畏 誠心懺悔 悉得消除 煩惱業垢 諸佛世尊

過去諸惡 現所作罪 所未作者 更不敢作 已作之業 身業三種 口業有四 意三業行 今悉懺悔 身口所作 十種惡業 遠離十惡 安止十住 所造惡業 今於佛前 若此國土 所有善法 悉以迴向 我所修行 身口意善

今悉懺悔 誠心發露 不敢覆藏 及以意思 一切懺悔 修行十善 逮十力尊 應受惡報 誠心懺悔 及餘世界

願於來世 證無上道 若在諸有 六趣險難 愚癡無智 今於佛前 皆悉懺悔 世間所有 種種婬欲 如是諸難 心輕躁難 三有險難 遇無難難 修功德難 如是諸難 諸佛世尊 是故我今 金色晃耀

造作眾惡 生死險難 愚煩惱難 我今懺悔 近惡友難 及三毒難 值好時難 值佛亦難 今悉懺悔 我所依止 敬禮佛海 猶如須彌

是故我今 頂禮最勝 其色無上 如天真金 眼目清淨 如紺琉璃 功德威神 名稱顯著 佛日大悲 滅一切闇 善淨無垢 離諸塵翳 無上佛日 大光普照 煩惱火熾 令心焦熱 唯佛能除 如月清涼 三十二相 八十種好 莊嚴其身 視之無厭 功德巍巍明網顯耀 安住三界 如日照世 猶如琉璃 淨無瑕穢 妙色廣大 種種各異

其色紅赤 如日初出 玻梨白銀 校飾光網 如是種種 莊嚴佛日 三有之中 生死大海 潦水波蕩 惱亂我心 最為廳澀 其味苦毒 如來網明 能令枯涸 妙身端嚴 相好殊特 金色光明 遍照一切 智慧大海 彌滿三界 是故我今 稽首敬禮 如大海水 其量難知 大地微塵 不可稱計 難可度量 諸須彌山 虚空邊際 亦不可得

諸佛亦爾 一切有心 於無量劫 不能得知 大地諸山 毛滴海水 諸佛功德 相好莊嚴 如是功德 令眾皆得 我以善業 來世不久 成於佛道 講宣妙法 度脫一切 摧伏諸魔 轉於無上

功德無量 無能知者 極心思惟 佛功德邊 尚可知量 亦可知數 無能知者 名稱讚歎 諸因緣故 利益眾生 無量諸苦 及其眷屬 清淨法輪 住壽無量 不思議劫 充足眾生 甘露法味 我當具足 六波羅蜜 猶如過佛 斷諸煩惱 悉滅貪欲 及恚癡等 我當憶念 百生千生 百千億生 常當至心 聞說微妙 我因善業 常值諸佛 遠離諸惡 一切世界 無量苦惱 若有眾生 諸根毀壞

之所成就 除一切苦 宿命之事 正念諸佛 無上正法 修諸善業 所有眾生 我當悉滅

不具足者 十方世界 羸瘦頓乏 無救護者 悉令解脫 還得勢力 若犯王法 無量怖畏 如是之人 若受鞭撻 種種苦事 無量百千 種種恐懼 如是無邊 願使一切 若有眾生

悉令具足 所有病苦 如是諸苦 平復如本 臨當刑戮 愁憂苦惱 悉令解脫 繋縛枷鎖 逼切其身 愁憂驚畏 擾亂其心 諸苦惱等 悉得解脫 飢渴所惱

甘美飲食 令得種種 盲者得視 **聲者得聽 瘂者得言** 裸者得衣 貧窮之者 即得寶藏 倉庫盈溢 無所乏少 一切皆受 安隱快樂 乃至無有 一人受苦 眾生相視 和顏悅色 形貌端嚴 人所喜見 心常思念 他人善事 飲食飽滿 功德具足 隨諸眾生 之所思念 皆願令得 種種伎樂 箜篌筝笛 琴瑟鼓吹 如是種種 微妙音聲

江河池沼 金華遍布 隨諸眾生 即得種種 錢財珍寶 真珠璧玉 願諸眾生 不聞惡聲 乃至無有 可惡見者 願諸眾生 各各相於 世間所有 資生之具 隨其所念 願諸眾生 如其所須 香華諸樹 常於三時

流泉諸水 及優鉢羅 之所思念 衣服飲食 金銀琉璃 雜廁瓔珞 色貌微妙 共相爱念 悉令具足 諸所求索 應念即得

雨細末香 及塗身香 眾生受者 願諸眾生 常得供養 不可思議 無上妙法 及諸菩薩 願諸眾生 常得遠離 三惡八難 覲覩諸佛 願諸眾生 多饒財寶 上妙色像 功德成就 願諸女人 皆成男子 具足智慧

歡喜快樂 十方諸佛 清淨無垢 聲聞大眾 值無難處 無上之王 常生尊貴 安隱豐樂 莊嚴其身 有大名稱 精勤不懈

一切皆行 菩薩之道 勤心修習 六波羅蜜 常見十方 坐寶樹下 安住禪定 自在快樂 演說正法 若我現在 所作惡業 諸有險難 應得惡果 不適意者 願悉滅盡 令無有餘 若諸眾生 生死羅網 願以智刀 除諸苦惱 若此閻浮 及餘他方

無量諸佛 琉璃座上 眾所樂聞 及過去世 三有繫縛 彌密牢固 割斷破裂 早成菩提

無量世界 所有眾生 所作種種 我今深心 我今以此 及身口意 願於來世 得淨無垢 吉祥果報 若有敬禮 信心清淨 無諸疑網 能作如是 便得超越 諸善男子 及善女人 諸王剎利 若有恭敬 合掌向佛 稱歎如來 并讚此偈

善妙功德 隨其歡喜 隨喜功德 所作善業 成無上道 讚歎十力 所說懺悔 六十劫罪 婆羅門等

在在生處 常識宿命 諸根具足 清淨端嚴 種種功德 悉皆成就 在在處處 常為國王 輔相大臣 之所恭敬 非於一佛 五佛十佛 種諸功德 聞是懺悔 若於無量 百千萬億 諸佛如來 種諸善根 然後乃得 聞是懺悔

讚歎品第四

爾時佛告地神堅牢善女天:過去有王名金龍尊,常以讚歎,讚歎去、來、現在諸佛。」

我今尊重 敬禮讚歎

去來現在 十方諸佛 諸佛清淨 色中上色 金光照耀 於諸聲中 猶如大梵 其髮紺黑 蜂翠孔雀 色不得喻 其齒鮮白 顯發金顏 其目脩廣 如青蓮華 舌相廣長 光明照耀 眉間毫相 白如珂月 右旋潤澤 如淨琉璃

微妙寂滅 佛聲最上 深遠雷音 光螺燄起 猶如珂雪 分齊分明 清淨無垢 映水開敷 形色紅輝 如華初生

眉細脩揚 形如月初 其色黑耀 過於蜂王 鼻高圓直 如鑄金鋌 微妙柔軟 當于面門 如來勝相 次第最上 得味真正 無與等者 一一毛孔 一毛旋生 軟細紺青 猶孔雀項 即於生時 身放大光 普照十方 無量國土 滅盡三界 一切諸苦 令諸眾生 悉受快樂 地獄畜生 及以餓鬼 諸人天等 安隱無患 悉滅一切 無量惡趣

身色微妙 如融金聚 面貌清淨 如月盛滿 佛身明耀 如日初出 進止威儀 脩臂下垂 立過于膝 猶如風動 圓光一尋 能照無量 猶如聚集 百千日月 佛身淨妙 無諸垢穢 其明普照 一切佛剎 佛光巍巍 明燄熾盛 悉能隱蔽 無量日月 佛日燈炬 照無量界 皆令眾生 尋光見佛 本所修習 百千行業

猶如師子 娑羅樹枝

聚集功德 臂鵬纖圓 手足柔軟 去來諸佛 現在諸佛 如是如來 身口清淨 以好香華 百千功德 設以百舌 歎佛功德 如來所有 種種深固 設復千舌 尚不能盡

莊嚴佛身 如象王鼻 敬愛無厭 數如微塵 亦復如是 我今悉禮 意亦如是 供養奉獻 讚詠歌歎 於千劫中 不能得盡 現世功德 微妙第一 欲讚一佛 功德少分

況欲歎美 大地及天 乃至有頂 尚以一毛 知其滴數 無有能知 我今以禮 身口意業 一切所修 無量善業 與諸眾生 證無上道 如是人王 讚歎佛已 復作如是 無量誓願 若我來世 無量無邊 阿僧祇劫 常於夢中 見妙金鼓 得聞懺悔 深奧之聲

諸佛功德 以為大海 滿其中水 佛一功德 讚歎諸佛 悉皆清淨 在在生處

今所讚歎 願我來世 諸佛功德 於百千劫 願於當來 夜則夢見 晝如實說 我當具足 濟拔眾生 然後我身 令我世界 奉貢金鼓 以此果報 當來之世 值釋迦佛 并令二子 金龍金光 常生我家 同共受記

面貌清淨 亦得如是 不可思議 甚難得值 無量之世 修行六度 越於苦海 成無上道 無與等者 讚佛因緣 得受記刻 若有眾生 眾苦逼切 我於當來 作大救護 能除眾苦 施與眾生 我未來世 不計劫數 以此金光 使我惡海 煩惱大海 我功德海 智慧大海 無量功德 猶如大海

無救護者 無所依止 為是等輩 及依止處 悉令滅盡 諸善安樂 行菩提道 如盡本際 懺悔因緣 及以業海 悉竭無餘 願悉成就 清淨具足 助菩提道 珍寶具足

以此金光 菩提功德 慧光無垢 我當來世 功德威神 於三界中 諸功德力 當度眾生 并復安置 來世多劫 如昔諸佛 三世諸佛 諸佛至尊 **令我來世** 功德淨土 如佛世尊

懺悔力故 光明無礙 照徹清淨 身光普照 光明燄盛 最勝殊特 無所減少 越於苦海 功德大海 行菩提道 行菩提者 淨妙國土 無量功德 得此殊異

信相當知

爾時國王 金龍尊者 則汝身是 爾時二子 金龍金光 今汝二子 銀相等是

空品第五

無量餘經 是故此中 略而解說 眾生根鈍 尠於智慧 不能廣知 無量空義 故此尊經 略而說之 異妙方便 為鈍根故 起大悲心 今我演說 此妙經典 如我所解 知眾生意 是身虚偽 猶如空聚

已廣說空 種種因緣 六入村落 結賊所止 一切自住 各不相知 眼根受色 耳分別聲 鼻嗅諸香 舌嗜於味 所有身根 貪受諸觸 意根分別 一切諸法 六情諸根 各各自緣 諸塵境界 不行他緣 心如幻化 馳騁六情 而常妄想 分別諸法 馳走空聚 猶如世人 愚不知避 六賊所害 心常依止 六根境界 各各自知 所伺之處 隨行色聲 香味觸法

心處六情 如鳥投網 其心在在 常處諸根 隨逐諸塵 無有暫捨 身空虛偽 不可長養 無有諍訟 亦無正主 從諸因緣 無有堅實 妄想故起 業力機關 地水火風 合集成立 隨時增減 猶如四蛇 同處一策 四大蚖蛇 二上二下 諸方亦二 如是蛇大 悉滅無餘 地水二蛇 其性沉下

和合而有 假偽空聚 共相殘害 其性各異

性輕上升 風火二蛇 心識二性 躁動不停 隨業受報 人天諸趣 隨所作業 而墮諸有 散滅壞時 水火風種 大小不淨 盈流於外 體生諸蟲 無可愛樂 捐棄塚間 如朽敗木 善女當觀 諸法如是 何處有人 及以眾生 本性空寂 無明故有 一一不實 如是諸大 本自不生 性無和合 以是因緣 我說諸大 從本不實 和合而有

無明體相 本自不有 妄想因緣 和合而有 無所有故 假名無明 是故我說 名曰無明 行識名色 六入觸受 愛取有生 老死愁惱 眾苦行業 不可思議 生死無際 輪轉不息 本無有生 亦無和合 不善思惟 心行所造 我斷一切 諸見纏等 以智慧刀 裂煩惱網 觀悉空寂 五陰舍宅 證無上道 微妙功德 開甘露門 示甘露器

入甘露城 令諸眾生 吹大法螺 然大法炬 我今摧伏 豎立第一 度諸眾生 永斷三惡 煩惱熾然 無有救護 我以甘露 充足是輩 令離焦熱 於無量劫 供養恭敬 堅固修習

處甘露室 食甘露味 擊大法鼓 雨勝法雨 一切怨結 微妙法幢 於生死海 無量苦惱 燒諸眾生 無所依止 清涼美味 遵修諸行 諸佛世尊 菩提之道 求於如來 真實法身 捨諸所重 肢節手足 頭目髓腦 所愛妻子 錢財珍寶 真珠瓔珞 金銀琉璃

卷第二 四天王品第六

爾時毘沙門天王、提頭賴吒天王、 毘留勒叉天王、毘留博叉天王俱 從座起, 偏袒右肩, 右膝著地, 胡跪合掌白佛言:「世尊!是金光 明微妙經典,眾經之王,諸佛世 尊之所護念,莊嚴菩薩深妙功德, 常為諸天之所恭敬,能令天王心 生歡喜,亦為護世之所讚歎。此 經能照諸天宮殿,是經能與眾生 快樂,是經能令地獄、餓鬼、畜 生諸河焦乾枯竭,是經能除一切 怖畏,是經能卻他方怨賊,是經 能除穀貴饑饉,是經能癒一切疫

病,是經能滅惡星變異,是經能 去一切憂惱。舉要言之,是經能 滅一切眾生無量無邊百千苦惱。 世尊!是金光明微妙經典,若在 大眾廣宣說時,我等四王及餘眷 屬聞此甘露無上法味,增益身力, 心進勇銳,具諸威德。世尊!我 等四王能說正法。修行正法,為 世法王,以法治世。世尊!我等 四王及天龍、鬼神、乾闥婆、阿 修羅、迦樓羅、緊那羅、摩睺羅 伽以法治世,遮諸惡鬼噉精氣者。」 一世尊!我等四王二十八部諸鬼 神等,及無量百千鬼神,以淨天 眼過於人眼,常觀擁護此閻浮提,

世尊!是故我等名護世王。若此 國土有諸衰耗怨賊侵境,饑饉疾 疫種種艱難;若有比丘受持是經, 我等四王當共勸請,令是比丘以 我力故,疾往彼所國邑、郡縣, 廣宣流布是金光明微妙經典,令 如是等種種百千衰耗之事悉皆滅 盡。世尊!如諸國王所有土境, 是持經者若至其國,是王應當往 是人所,聽受如是微妙經典,聞 已歡喜,復當護念恭敬是人。世 尊!我等四王復當勤心擁護是王 及國人民,為除衰患令得安隱。 世尊!若有比丘、比丘尼、優婆 塞、優婆夷受持是經,若諸人王

有能供給施其所安,我等四王亦 當令是王及國人民一切安隱,具 足無患。世尊!若有四眾受持讀 誦是妙經典,若諸人王有能供養、 恭敬、尊重、讚歎,我等四王亦 復當令如是人王於諸王中,常得 第一供養、恭敬、尊重、讚歎, 亦令餘王欽尚羡慕,稱讚其善。」 爾時世尊讚歎護世四天王等:善 哉!善哉!汝等四王過去已曾供 養、恭敬、尊重、讚歎無量百千 萬億諸佛,於諸佛所種諸善根, 說於正法,修行正法,以法治世, 為人天王。汝等今日長夜利益於 諸眾生,行大悲心,施與眾生一

切樂具,能遮諸惡,勤與諸善。 以是義故,若有人王能供養恭敬 此金光明微妙經典,汝等正應如 是護念,滅其苦惱,與其安樂。 汝等四王及諸眷屬無量無邊百千 鬼神,若能護念如是經者,即是 護持去來現在諸佛正法。汝等四 王及餘天眾、百千鬼神,與阿修 羅共戰鬥時,汝等諸天常得勝利。 汝等若能護念此經,悉能消伏一 切諸苦,所謂怨賊、饑饉、疾疫。 若四部眾有能受持讀誦此經,汝 等亦應勤心守護,為除衰惱,施 與安樂。」

爾時四王復白佛言:「世尊!是金

光明微妙經典於未來世在所流布, 若國土、城邑、郡縣、村落,隨 所至處,若諸國王以天律治世, 復能恭敬至心聽受是妙經典,并 復尊重、供養、供給持是經典四 部之眾,以是因緣,我等時時得 聞如是微妙經典,聞已即得增益 身力,心進勇銳具諸威德。是故 我等及無量鬼神常當隱形,隨其 妙典所流布處而作擁護,令無留 難,亦當護念聽是經典諸國王等 及其人民,除其患難悉令安隱, 他方怨賊亦使退散。若有人王聽 是經時,鄰國怨敵興如是念:當 具四兵壞彼國土。世尊!以是經

典威神力故,爾時鄰敵更有異怨 為作留難,於其境界起諸衰惱、 災異、疫病,爾時怨敵起如是等 諸惡事已,備具四兵發向是國, 親往討罰。我等爾時,當與眷屬 無量無邊百千鬼神隱蔽其形,為 作護助,令彼怨敵自然退散,起 諸怖 懅種種留難,彼國兵眾尚不 能到,況復當能有所破壞!」 爾時佛讚四天王等!善哉!善哉! 汝等四王乃能擁護我百千億那由 他劫所可修習阿耨多羅三藐三菩 提,及諸人王受持是經恭敬供養 者,為淨衰患令其安樂,復能擁 護宮殿、舍宅、城邑、村落、國

土、邊疆, 乃至怨賊悉令退散, 滅其衰惱令得安隱,亦令一切閻 浮提內所有諸王無諸凶衰鬥訟之 事。四王當知,此閻浮提八萬四 千城邑、聚落,八萬四千諸人王 等,各於其國娛樂、快樂,各各 於國而得自在,於自所有錢財珍 寶,各各自足不相侵奪,如其宿 世所修集業,隨業受報,不生惡 心貪求他國,各各自生利益之心, 生於慈心、安樂之心、不諍訟心、 不破壞心、無繫縛心、無楚撻心, 各於其土自生愛樂,上下和睦猶 如水乳,心相爱念增諸善根。以 是因緣,故此閻浮提安隱豐樂,

人民熾盛,大地沃壤,陰陽調和, 時不越序,日月星宿不失常度, 風雨隨時,無諸災橫,人民豐實 自足於財,心無貪吝亦無嫉妒, 等行十善,其人壽終多生天上, 天宮充滿增益天眾。

供養過去、未來、現在諸佛。若 能供養過去、未來、現在諸佛, 則得無量不可思議功德之聚。以 是因緣,是諸人王應得擁護,及 后妃、婇女、中宫眷屬諸王子等 亦應得護,衰惱消滅,快樂熾盛, 宮殿堂宇安隱清淨,無諸災變, 護宅之神增長威德,亦受無量歡 悦快樂,是諸國土所有人民悉受 種種五欲之樂,一切惡事悉皆消 滅。」

爾時四天王白佛言:「世尊!未來之世若有人王欲得護身及后妃、 公世若有人王欲得護身及后妃、 婇女、諸王子等宮殿屋宅,得第 一護身所王領最為殊勝,具不可

思議王者功德,欲得攝取無量福 聚,國土無有他方怨賊,無諸憂 惱及諸苦事。世尊!如是人王不 應放逸散亂其心,應生恭敬謙下 之心,應當莊嚴第一微妙最勝宮 宅,種種香汁持用灑地,散種種 華敷大法座師子之座,兼以無量 珍琦異物而為校飾,張施種種無 數微妙幢旛、寶蓋。當淨洗浴以 香塗身, 著好淨衣瓔珞自嚴, 坐 小卑座,不自高大,除去自在, 離諸放逸,謙下自卑,除去驕慢, 正念聽受如是妙典。於說法者生 世尊想,復於宮內后妃、王子、 婇女眷屬生慈哀心,和顏與語,

勸以種種供養之具供養法師。是 王爾時既勸化已,即生無量歡喜 快樂,心懷悅豫,倍復自勵,不 生疲倦,多作利益,於說法者倍 生恭敬。

爾時佛告四天大王:爾時人王應 著白淨鮮潔之衣,種種瓔珞齊整 莊嚴,執持素帛微妙上蓋,服飾 容儀不失常則,躬出奉迎說法之 人。何以故?是王如是隨其舉足 步步之中,即是供養值遇百千億 那由他諸佛世尊,復得超越如是 等劫生死之難,復於來世爾所劫 中,常得封受轉輪王位。隨其步 步亦得如是現世功德不可思議自

三藐三菩提,已為得值百千萬億 那由他佛,已為供養過去、未來、 現在諸佛,已得畢竟三惡道苦。 我今已種百千無量轉輪聖王釋梵 之因,已種無邊善根種子,已令 無量百千萬億諸眾生等度於生死, 已集無量無邊福聚,後宮眷屬已 得擁護,宮宅諸衰悉已消滅,國 上無有怨賊棘刺,他方怨敵不能 侵陵。』汝等四王!如是人王應作 如是供養正法,清淨聽受是妙經 典,及恭敬、供養、尊重、讚歎 持是經典四部之眾,亦當迴此所 得最勝功德之分,施與汝等及餘 眷屬諸天鬼神,聚集如是諸善功

德,現世常得無量無邊不可思議 自在之利,威德勢力成就具足, 能以正法摧伏諸惡。」 爾時四王白佛言:「世尊!若未來 世有諸人王作如是 等恭敬正法, 至心聽受是妙經典,及恭敬、供 養、尊重、讚歎持是經典四部之 眾,嚴治舍宅,香汁灑地,專心 正念聽說法時,我等四王亦當在 中共聽此法,願諸人王為自利故, 以己所得功德少分施與我等。世 尊!是諸人王於說法者所坐之處, 為我等故燒種種香供養是經,是 妙香氣於一念頃即至我等諸天宮

殿,其香即時變成香蓋,其香微

妙金色晃耀照我等宮、釋宮、梵 宮、大辯天神、功德天神、堅牢 地神、散脂鬼神、最大將軍、二 十八部鬼神大將、摩醯首羅、金 剛密迹、摩尼跋陀鬼神大將、鬼 子母與五百鬼子周匝圍繞、阿耨 達龍王、娑竭羅龍王如是等眾, 自於宮殿各各得聞是妙香氣,及 見香蓋光明普照,是香蓋光明亦 照一切諸天宮殿。 佛告四王:是香蓋光明非但至汝 四王宫殿。何以故?是諸人王手 擎香爐供養經時,其香遍布,於 一念頃遍至三千大千世界,百億 日月、百億大海、百億須彌山、

百億大鐵圍山小鐵圍山及諸山王、 百億四天下、百億四天王、百億 三十三天乃至百億非想非非想天。 於此三千大千世界百億三十三天 一切龍鬼、乾闥婆、阿修羅、迦 樓羅、緊那羅、摩睺羅伽宮殿虛 空,悉滿種種香煙雲蓋,其蓋金 光亦照宮殿。如是三千大千世界 所有種種香煙雲蓋,皆是此經威 神力故。是諸人王手擎香爐供養 經時,種種香氣不但遍此三千大 千世界,於一念頃亦遍十方無量 無邊恆河沙等百千萬億諸佛世界, 於諸佛上虚空之中亦成香蓋,金 光普照亦復如是。諸佛世尊聞是

妙香, 見是香蓋及金色光, 於十 方界恆河沙等諸佛世界,作如是 等神力變化已,異口同音於說法 者稱讚:『善哉!善哉!大士!汝 能廣宣流布如是甚深微妙經典, 則為成就無量無邊不可思議功德 之聚。若有聞是甚深經典所得功 德則為不少, 況持讀誦, 為他眾 生開示分別,演說其義!何以故? 善男子!此金光明微妙經典,無 量無邊億那由他諸菩薩等若得聞 者,即不退於阿耨多羅三藐三菩 提。』爾時十方無量無邊恆河沙等 諸佛世界現在諸佛,異口同聲作 如是言:『善男子!汝於來世必定

當得坐於道場菩提樹下,於三界 中最尊最勝,出過一切眾生之上, 勤修力故受諸苦行,善能莊嚴菩 提道場,能壞三千大千世界外道 邪論,摧伏諸魔怨賊異形,覺了 諸法第一寂滅清淨無垢甚深無上 菩提之道。善男子!汝已能坐金 剛座處,轉於無上諸佛所讚十二 種行甚深法輪,能擊無上最大法 鼓,能吹無上極妙法螺,能豎無 上最勝法幢,能然無上極明法炬, 能雨無上甘露法雨,能斷無量煩 惱怨結,能令無量百千萬億那由 他眾度於無涯可畏大海,解脫生 死無際輪轉,值遇無量百千萬億

那由他佛。』」

爾時四天王復白佛言:「世尊!是 金光明微妙經典能得未來、現在 **種種無量功德**,是故人王若得聞 是微妙經典,則為已於百千萬億 無量佛所種諸善根。我以敬念是 人王故,復見無量福德利故,我 等四王及餘眷屬無量百千萬億鬼 神,於自宮殿見是種種香煙雲蓋 瑞應之時,我當隱蔽不現其身, 為聽法故,當至是王所止宮殿講 法之處。大梵天王、釋提桓因、 大辯天神、功德天神、堅牢地神、 散脂鬼神、大將軍等、二十八部 鬼神大將、摩醯首羅、金剛密迹、 摩尼跋陀鬼神大將、鬼子母及五 百鬼子周匝圍繞、阿耨達龍王、 娑竭羅龍王、無量百千萬億那由 他鬼神諸天,如是等眾為聽法故, 悉自隱蔽不現其身,至是人王所 止宮殿講法之處。世尊!我等四 王及餘眷屬無量鬼神,悉當同心 以是人王為善知識,同共一行善 相應行,能為無上大法施主,以 甘露味充足我等,我等應當擁護 是王,除其衰患,令得安隱,及 其宮宅、國土、城邑諸惡災患悉 令消滅。」

「世尊!若有人王於此經典心生 捨離,不樂聽聞,其心不欲恭敬、 供養、尊重、讚歎,若四部眾有 受持讀誦講說之者,亦復不能恭 敬、供養、尊重、讚歎,我等四 王及餘眷屬無量鬼神,即便不得 **聞此正法**,背甘露味,失大法利, 無有勢力及以威德,減損天眾, 增長惡趣。世尊!我等四王及無 量鬼神捨其國土,不但我等,亦 有無量守護國土諸舊善神皆悉捨 去。我等諸王及諸鬼神既捨離已, 其國當有種種災異,一切人民失 其善心,唯有繫縛瞋恚、鬥諍, 互相破壞,多諸疾疫,彗星現怪, 流星崩落,五星諸宿違失常度, 兩日並現, 日月薄蝕, 白黑惡虹

數出現,大地震動發大音聲, 暴風惡雨無日不有,穀米勇貴饑 饉凍餓,多有他方怨賊侵掠其國, 人民多受苦惱,其地無有可愛樂 處。世尊!我等四王及諸無量百 千鬼神并守國土諸舊善神遠離去 時,生如是等無量惡事。」

「世尊!若有人王欲得自護,及 王國土多受安樂,欲令國土一切 眾生悉皆成就具足快樂,欲得推 伏一切外敵,欲得擁護一切國土, 欲以正法正治國土,欲得除滅 生怖畏。世尊!是人王等應當 定聽是經典者。我等四王及 話、受持是經典者。我等四王及

無量鬼神以是法食善根因緣,得 服甘露無上法味,增長身力,心 進勇銳,增益諸天。何以故?以 是人王至心聽受是經典故。如諸 **梵天說出欲論,釋提桓因種種善** 論,五通之人神仙之論,世尊! 梵天、釋提桓因、五神通人雖有 百千億那由他無量勝論,是金光 明於中最勝。所以者何?如來說 是金光明經,為眾生故,為令一 切閻浮提內諸人王等以正法治, 為與一切眾生安樂,為欲愛護一 切眾生,欲令眾生無諸苦惱,無 有他方怨賊棘刺,所有諸惡背而 不向,欲令國土無有憂惱,以正

法教,無有諍訟,是故人王各於 國土,應燃法炬熾然正法,增益 天眾。我等四王及無量鬼神、閻 浮提內諸天善神,以是因緣得服 甘露法味充足,得大威德進力具 足,閻浮提內安隱豐樂,人民熾 盛安樂其處,復於來世無量百千 不可思議那由他劫,常受微妙第 一快樂,復得值遇無量諸佛種諸 善根,然後證成阿耨多羅三藐三 菩提,得如是等無量功德,悉是 如來正遍知說。如來過於百千億 那由他諸梵天等,以大悲力故, 亦過無量百千億那由他釋提桓因, 以苦行力故,是故如來為諸眾生

演說如是金光明經。若閻浮提一 切眾生及諸人王,世間、出世間 所作國事、所造世論皆因此經, 欲令眾生得安樂故,釋迦如來示 現是經廣宣流布。世尊!以是因 緣故,是諸人王應當必定聽受、 供養、恭敬、尊重、讚歎是經。 爾時佛復告四天王: 汝等四王及 餘眷屬、無量百千那由他鬼神, 是諸人王若能至心聽是經典,供 養、恭敬、尊重、讚歎,汝等四 王正應擁護,滅其衰患而與安樂。 若有人能廣宣流布如是妙典,於 人天中大作佛事,能大利益無量 眾生,如是之人,汝等四王必當

擁護,莫令他緣而得擾亂,令心 恬靜受於快樂,續復當得廣宣是 經。

爾時四天王即從座起,偏袒右肩右膝著地,長跪合掌,於世尊前以偈讚曰:

為諸眾生 安樂利益 故久流布 能滅三千 大千世界 所有惡趣 閻浮提內 心生慈愍 正法治世 若能流布 則令其土 安隱豐熟 所有眾生 悉受快樂 若有人王 及其國土 應當至心 淨潔洗浴 往法會所 是經能作 摧伏一切 內外怨賊

於閻浮提 無量諸苦 諸人王等 此妙經典 欲愛己身 欲令豐盛 聽受是經 所有善事

復能除滅 是諸經王 無量眾生 譬如寶樹 悉能出生 是妙經典 悉能出生 諸王功德 如清冷水 是妙經典 能除諸王 譬如珍寶 悉在于手 是金光明 隨意能與 是金光明

無量怖畏 能與一切 安隱快樂 在人家中 一切珍寶 亦復如是 能除渴乏 亦復如是 功德渴乏 異物篋器 隨意所用 亦復如是 諸王法寶 微妙經典

常為諸天 恭敬供養 亦為護世 四大天王 威神勢力 之所護持 十方諸佛 常念是經 若有演說 稱讚善哉 亦有百千 無量鬼神 從十方來 擁護是人 若有得聞 是妙經典 心生歡喜 踊躍無量 閻浮提內 無量大眾 皆悉歡喜 集聽是經 聽是經故 具諸威德 增益天眾 精氣身力

爾時四天王聞是偈已,白佛言:「世尊!我從昔來未曾得聞如是

微妙寂滅之法,我聞是已,心生 悲喜,涕淚交流,舉身戰動,足 節怡解,復得無量不可思議,具足 妙樂。」以天曼陀羅華、摩訶曼陀 羅華供養奉散於如來上,作世尊! 我等供養佛已,復白佛言:「世尊! 我等四王各自有五百鬼神,常 當隨逐是說法者而為守護。」

大辯天神品第七

爾時大辯天白佛言:「世尊!是說法者,我當益其樂說辯才,令其所說莊嚴次第善得大智。若是經中有失文字句義違錯,我能令是說法比丘次第還得,能與總持令不忘失。若有眾生於百千佛所種

功德天品第八

爾時功德天白佛言:「世尊!是說法者,我當隨其所須之物,衣服、飲食、臥具、醫藥及餘資產供給是人,無所乏少,令心安住,晝夜歡樂,正念思惟是經章句,分

 服、飲食資生之具,金銀七寶、 直珠、琉璃、珊瑚、琥珀、壁玉、 珂貝悉無所乏。若有人能稱金光 明微妙經典,為我供養諸佛世尊, 三稱我名,燒香供養。供養佛已, 別以香華、種種美味供施於我, 灑散諸方,當知是人即能聚集資 財寶物。以是因緣增長地味,地 神諸天悉皆歡喜,所種穀米,牙 ত 、枝葉、果實滋茂,樹神歡喜, 出生無量種種諸物。我時慈念諸 眾生故,多與資生所須之物。」 「世尊!於此北方毘沙門天王有 城,名曰阿尼曼陀。其城有園, 名功德華光,於是園中有最勝園,

名曰金幢七寶極妙,此即是我常 止住處。若有欲得財寶增長,是 人當於自所住處,應淨掃灑,洗 浴其身,著鮮白衣,妙香塗身, 為我至心三稱彼佛寶華琉璃世尊 名號,禮拜、供養、燒香、散華, 亦當三稱金光明經,至誠發願, 別以香華、種種美味供施於我, 散灑諸方,爾時當說如是章句: 波利富樓那遮利。三曼陀達舍尼 羅佉。摩訶毘呵羅伽帝。三曼陀 毘陀那伽帝。摩訶迦梨波帝。波 婆禰。薩婆哆垢。三曼陀。脩鉢 梨富隸。阿夜那達摩帝。摩訶毘 鼓畢帝。摩訶彌勒簸僧祇帝。醯

帝簁三博祇烯帝。三曼陀阿咃。阿嵬婆羅尼。

是灌頂章句必定吉祥,真實不虚。 等行眾生及中善根,應當受持讀 誦通利,七日七夜受持八戒,朝 幕淨心,香華供養十方諸佛,常 為己身及諸眾生迴向具足阿耨多 羅三藐三菩提,作是誓願,令我 所求皆得吉祥。自於所居房舍屋 宅淨潔掃除,若自住處、若阿蘭 若處,以香泥塗地,燒微妙香, 敷淨好座,以種種華香布散其地, 以待於我。我於爾時如一念頃入 其室宅,即坐其座。從此日夜, 令此居家若村邑、若僧坊、若露

地無所乏少,若錢、若金銀、若 珍寶、若牛羊、若穀米,一切所 須即得具足,悉受快樂。若能以 己所作善根最勝之分迴與我者, 我當終身不遠其人,於所住處至 心護念,隨其所求令得成就。應 當至心禮如是等諸佛世尊,其名 曰:寶勝如來、無垢熾寶光明王 相如來、金燄光明如來、金百光 明照藏如來、金山寶蓋如來、金 華燄光相如來、大炬如來、寶相 如來,亦應敬禮信相菩薩、金光 明菩薩、金藏菩薩、常悲菩薩、 法上菩薩,亦應敬禮東方阿閦如 來、南方寶相如來、西方無量壽

佛、北方微妙聲佛。」 **堅牢地神品第九**

爾時地神堅牢白佛言:「世尊!是 金光明微妙經典,若現在世、若 未來世,在在處處,若城邑聚落、 若山澤空處、若王宮宅,世尊! 随是經典所流布處,是地分中敷 師子座,令說法者坐其座上,廣 演宣說是妙經典,我當在中常作 宿衛,隱蔽其身於法座下頂戴其 足,我聞法已,得服甘露無上法 味,增益氣力。而此大地深十六 萬八千由旬,從金剛際至海地上, 悉得眾味增長具足,豐壤肥濃過 於今日。以是之故,閻浮提內藥

草、樹木、根莖、枝葉、華果滋 茂,美色香味皆悉具足。眾生食 已增長壽命色力辯安,六情諸根 具足通利,威德顏貌端嚴殊特, 成就如是種種等已,所作事業多 得成辦,有大勢力精勤勇猛。是 故,世尊!閻浮提內安隱豐樂, 人民熾盛,一切眾生多受快樂, 應心適意,隨其所樂。是諸眾生 得是威德大勢力已,能供養是金 光明經,及恭敬供養持是經者四 部之眾,我於爾時當往其所,為 **諸**眾生受快樂故,請說法者廣令 宣布如是妙典。何以故?世尊! 是金光明若廣說時,我及眷屬所

得功德倍過於常,增長身力,心 進勇銳。」

「世尊!我服甘露無上味已,閻 浮提地縱廣七千由旬豐壤倍常。 世尊!如此大地眾生所依,悉能 增長一切所須之物,增長一切所 **須物已,令諸眾生隨意所用受於** 快樂,種種飲食、衣服、臥具、 宫殿、屋宅、樹木、林苑、河池、 井泉如是等物,依因於地悉皆具 足。是故,世尊!是諸眾生為知 我恩,應作是念:『我當必定聽受 是經,供養、恭敬、尊重、讚歎。』 作是念已,即從住處若城邑、聚 落、舍宅、空地,往法會所聽受

是經。既聽受已還其所止,各應 相慶作如是言:『我等今者聞此甚 深無上妙法,已為攝取不可思議 功德之聚,值遇無量無邊諸佛, 三惡道報已得解脫,於未來世常 生天上人中受樂。』是諸眾生各於 住處,若為他人演說是經,若說 一喻、一品、一緣,若復稱歎一 佛、一菩薩、一四句偈,乃至一 句,及稱是經首題名字。世尊! 隨是眾生所住之處,其地具足豐 壤肥濃過於餘地,凡是因地所生 之物,悉得增長滋茂廣大,令諸 眾生受於快樂,多饒財寶,好行 惠施,心常堅固,深信三寶。

爾時佛告地神堅牢:若有眾生乃 至聞是金光明經一句之義,人中 命終,隨意往生三十三天。地神! 若有眾生為欲供養是經典故莊嚴 屋宅,乃至張懸一旛一蓋及以一 衣,欲界六天已有自然七寶宮殿, 是人命終即往生彼。地神!於諸 七寶宮殿之中,各各自然有七天 女共相娱樂,日夜常受不可思議 微妙快樂。」

爾時地神白佛言:「世尊!以是因緣,說法比丘坐法座時,我常晝夜衛護不離,隱蔽其形在法座下頂戴其足。世尊!若有眾生於百千佛所種諸善根,是說法者為是

等故,於閻浮提廣宣流布是妙經 典令不斷絕。是諸眾生聽是經已, 未來之世無量百千那由他劫,於 天上人中常受快樂,值遇諸佛, 疾成阿耨多羅三藐三菩提,三惡 道苦悉斷無餘。」

卷第三 散脂鬼神品第十

爾時散脂鬼神大將及二十八部諸 鬼神等,即從座起,偏袒右肩, 右膝著地,白佛言:「世尊!是金 光明微妙經典,若現在世及未來 世,在在處處,若城邑聚落、若 山澤空處、若王宮宅,隨是經典 所流布處,我當與此二十八部大 鬼神等往至彼所,隱蔽其形,隨 逐擁護是說法者,消滅諸惡,令 得安隱。及聽法眾若男若女、童 男童女,於是經中乃至得聞一如 來名、一菩薩名,及此經典首題 名字,受持讀誦,我當隨侍宿衛 擁護,悉滅其惡,令得安隱,及 國邑城郭、若王宮殿、舍宅空處 皆亦如是。」

一世尊!何因緣故,我名散脂鬼 神大將?唯然!世尊!自當證知。 世尊!我知一切法、一切緣法, 了一切法,知法分齊,如法安住 一切法,如性於一切法,含受一 切法。世尊!我現見不可思議智 光、不可思議智炬、不可思議智 行、不可思議智聚、不可思議智 境。世尊!我於諸法正解正觀, 得正分別,正解於緣,正能覺了。 世尊!以是義故,名散脂大將。 世尊!我散脂大將令說法者莊嚴

言辭,辯不斷絕,眾味精氣從毛 孔入, 充益身力, 心進勇銳, 成 就不可思議智慧,入正憶念,如 是等事悉令具足,心無疲厭,身 受諸樂,心得歡喜,以是之故, 能為眾生廣說是經。若有眾生於 百千佛所種諸善根,說法之人為 是眾生,於閻浮提內廣宣流布是 妙經典,令不斷絕,無量眾生聞 是經已,當得不可思議智聚,攝 取不可思議功德之聚,於未來世 無量百千劫人天之中常受快樂, 於未來世值遇諸佛,疾得證成阿 耨多羅三藐三菩提,一切眾苦、 三惡趣分永滅無餘。南無寶華功

德海琉璃金山光照如來、應供、 正遍知!南無量百千億那由他 莊嚴其身釋迦如來、應供、 莊嚴其身釋之之 知是微妙法炬!南無第 一威德成就眾事大功德天!南無 不可思量智慧功德成就大辯天! 正論品第十一

行,於自眷屬情無愛著。』何等名 為治世正論?地神!爾時力尊相 王為信相太子說是偈言:

> 我今當說 諸王正論 為利眾生 斷諸疑惑 一切人王 諸天天王 應當歡喜 合掌諦聽 諸王和合 集金剛山 護世四鎮 起問梵王 大師梵尊 天中自在 能除疑惑 當為我斷 云何是人 得名為天 云何人王 復名天子 生在人中 處王宮殿 正法治世 而名為天

護世四王 問是事已 時梵尊師 即說偈言 此義問我 汝今雖以 我要當為 一切眾生 敷揚宣暢 第一勝論 因集業故 生於人中 王領國土 故稱人王 處在胎中 諸天守護 或先守護 然後入胎 雖在人中 生為人王 以天護故 復稱天子 三十三天 各以己德 分與是人 故稱天子 神力所加 故得自在 遠離惡法 遮令不起 安住善法 修令增廣 能令眾生 多生天上 半名人王 羅剎魁膾 亦名父母 示現果報 諸天所護 善惡諸業 現受果報 諸天所護 若有惡事 縱而不問 不治其罪 不以正教 捨遠善法 故使國中 多諸姦鬥 三十三天 各生瞋恨 由其國王 縱惡不治 壞國正法 姦詐熾盛

亦名執樂 能遮諸惡 教誨修善 現在未來 增長惡趣

他方怨敵 自家所有 諸惡盜賊 共相劫奪 如法治世 若行是者 譬如狂象 踏蓮華池 暴風猝起 屢降惡雨 惡星數出 日月無光 五穀果實 由王捨正 天於宮殿 由王暴虐 是諸天王 各相謂言 是王行惡 以造惡故

競來侵掠 錢財珍寶 不行是事 其國殄滅 咸不滋茂 使國饑饉 悉懷愁惱 不修善事 與惡為伴 速得天瞋

以天瞋故 不久國敗 非法兵仗 姦詐鬥訟 疾疫惡病 集其國土 諸天即便 捨離是王 令其國敗 生大愁苦 兄弟姊妹 眷屬妻子 孤迸流離 身亦滅亡 流星數墮 二日並現 他方惡賊 侵掠其土 人民飢餓 多諸疾疫 所重大臣 捨離薨亡 象馬車乘 一念喪滅 諸家財產 國土所有 互相劫奪 刀兵而死 五星諸宿 違失常度

諸惡疾疫 諸受寵祿 及諸群僚 專行非法 如是行惡 修善法者 日日衰減 於行惡者 而生恭敬 見修善者 心不顧錄 故使世間 三異並起 星宿失度 降暴風雨 破壞甘露 眾生等類 恭敬弊惡 故天降雹 穀米果實 多病眾生 充滿其國

流遍其國 所任大臣 偏受恩遇 無上正法 及以地肥 毀諸善人 飢餓疫死 滋味衰減

甘美盛果 日日損減 苦澀惡味 隨時增長 本所遊戲 可愛之處 悉皆枯悴 無可樂者 眾生所食 精妙上味 漸漸損減 食無肌膚 氣力衰微 顏貌醜陋 凡所食噉 不知厭足 力精勇猛 悉滅無有 懶惰懈怠 充滿其國 多有病苦 逼切其身 惡星變動 羅剎亂行 若有人王 行於非法 增長惡伴 損人天道 於三有中 多受苦惱

起如是等 無量惡事 皆由人王 愛著眷屬 縱之造惡 捨而不治 若為諸天 所護生者 如是人王 終不為是 有行善者 得生天中 行不善者 墮在三塗 三十三天 皆生焦熱 由王縱惡 捨而不誨 違逆諸天 及父母敕 不能正治 則非孝子 起諸姦惡 壞國土者 不應縱捨 當正治罪 是故諸天 護持是王 以滅惡法 修習善故

現世正治 得增王位 應各為說 善不善業 能示因果 故得為王 諸天護持 鄰王佐助 為自為他 修正治國 有壞國者 應當正教 為命及國 修行正法 不應行惡 惡不應縱 所有餘事 不能壞國 要因多姦 然後傾敗 若起多姦 壞於國土 譬如大象 壞蓮華池 怨恨諸天 故天生惱 起諸惡事 彌滿其國 是故應隨 正法治世

以善化國 不順非法 寧捨身命 不愛眷屬 於親非親 心常平等 和合為一 視親非親 流布三界 正行名稱 人多行善 正法治國 常以善心 仰瞻國王 能令天眾 具足充滿 是故正治 名為人王 一切諸天 愛護人王 猶如父母 擁護其子 故令日月 五星諸宿 隨其分齊 不失常度 風雨隨時 無諸災禍 令國豐實 安樂熾盛

增益人民 諸天之眾 以是因緣 諸人王等 寧捨身命 不應為惡 不應捨離 正法珍寶 由正法寶 世人受樂 常當親近 修正法者 聚集功德 莊嚴其身 於自眷屬 當知止足 當遠惡人 修治正法 安止眾生 於諸善法 教敕防護 令離不善 是故國土 安隱豐樂 是王亦得 威德具足 隨諸人民 所行惡法 應當調伏 如法教詔

是王當得 好名善譽 善能攝護 安樂眾生 善集品第十二

爾時如來復為地神說往昔因緣而作偈言:

我昔曾為 轉輪聖王 捨四大地 及以大海 又於是時 以四天下 滿中珍寶 奉上諸佛 凡所布施 皆捨所重 不見可愛 而不捨者 於過去世 無數劫中 求正法故 常捨身命 又過去世 不可議劫 有佛世尊 名曰寶勝

其佛世尊 般涅槃後 時有聖王 名曰善集 於四天下 而得自在 治正之勢 盡大海際 其王有城 名水音尊 於其城中 止住治化 夜睡夢中 聞佛功德 及見比丘 名曰寶冥 善能宣暢 如來正法 所謂金光 明如日中 悉能遍照 是轉輪王 即尋覺寤 即出宮殿 至僧坊所 供養恭敬 諸大聖眾

微妙經典 夢是事已 心喜遍身

問諸大德 是大眾中 頗有比丘 名曰寶冥 成就一切 諸功德不 爾時寶冥 在一窟中 安坐不動 思惟正念 讀誦如是 金光明經 時有比丘 即將是王 至其所止 到寶冥所 時此寶冥 故在窟中 形貌殊特 威德熾然 即示王言 是窟中者 即是所問 寶冥比丘 能持甚深 諸佛所行 名金光明 諸經之王 時善集王 即尋禮敬

寶冥比丘 作如是言 面如滿月 威德熾然 惟願為我 敷演宣說 是金光明 諸經之王 時寶冥尊 即受王請 許為宣說 是金光明 三千大千 世界諸天 知當說法 悉生歡喜 鮮潔之處 於淨微妙 種種珍寶 廁填其地 上妙香水 持用灑之 散諸好華 遍滿其處 王於是時 自敷法座 懸繒旛蓋 寶飾交絡 種種微妙 殊特末香

悉以奉散 大法高座 一切諸天 龍及鬼神 摩睺羅伽 緊那羅等 即雨天上 曼陀羅華 滿其處所 遍散法座 不可思議 百千萬億 那由他等 無量諸天 一時俱來 集說法所 是時寶冥 尋從窟出 諸天即時 以娑羅華 供養奉散 寶冥比丘 是時寶冥 淨洗身體 著淨妙衣 至法座所 合掌敬禮 是法高座 一切天王 及諸天人

雨曼陀羅 大曼陀羅 摩訶曼殊 眾妙寶華 無量百千 種種伎樂 於虛空中 不鼓自鳴 寶冥比丘 能說法者 尋上高座 結跏趺坐 即念十方 不可思議 無量千億 諸佛世尊 於諸眾生 興大悲心 及善集王 所得王領 盡一日月 所照之處 時說法者 即尋為王 敷揚宣說 是妙經典 是時大王 為聞法故 於比丘前 合掌而立

聞於正法 讚言善哉 其心悲悼 涕淚橫流 尋復踊悅 心意熙怡 為欲供養 此經典故 如意珠王 爾時即提 為諸眾生 發大誓願 此閻浮提 願於今日 悉雨無量 種種珍異 瑰琦七寶 及妙瓔珞 以是因緣 悉令無量 一切眾生 皆受快樂 即於爾時 尋雨七寶 及諸寶飾 天冠珥璫 種種瓔珞 甘饌寶座 悉皆充滿 遍四天下

時王善集 即持如是 滿四天下 無量七寶 於寶勝佛 遺法之中 以用布施 供養三寶 爾時為王 說法比丘 於今現在 阿閦佛是 時善集王 聽受法者 今則我身 釋迦文是 我於爾時 捨此大地 滿四天下 珍寶布施 得聞如是 金光明經 聞是經已 一稱善哉 以此善根 業因緣故 身得金色 百福莊嚴 常為無量 百千萬億

眾生等類 之所樂見 既得見已 無有厭足 過去九十 九億千劫 常得作於 轉輪聖王 亦於無量 百千劫中 常得王領 諸小國土 不可思議 劫中常作 釋提桓因 及淨梵王 復得值遇 十力世尊 其數無量 不可稱計 無量無邊 所得功德 皆由聞經 及稱善哉 成就菩提 如我所願 正法之身 我今已得

鬼神品第十三

佛告功德天:「若有善男子、善女人,欲以不可思議妙供養具尊人,欲以不來、現在諸佛世尊,及欲得知三世諸佛甚深行處,為是然知三世諸佛為之處,若以定至村落、舍宅經典,若太是微妙經典。」 爾時世尊欲重宣此義而說偈言:

能令一切 眾生解脫 度無量苦 諸有大海 是經甚深 初中後善 不可得說 譬喻為比 假使恆沙 大地微塵 大海諸水 一切諸山 如是等物 不得為喻 若入是經 即入法性 如深法性 安住其中 即於是典 金光明中 釋迦牟尼 而得見我 不可思議 阿僧祇劫 生天人中 常受快樂 聽是經故 以能信解 如是無量 不可思議

功德福聚 隨所至處 若百由旬 滿中盛火 若至聚落 阿蘭若處 到法會所 至心聽受 聽是經故 惡夢蠱道 五星諸宿 一切惡事 於說法處 蓮華座上 說是經典 書寫讀誦 是說法者 若下法座 爾時大眾 猶見坐處 故有說者 或佛世尊 或見佛像 菩薩色像 普賢菩薩 文殊師利

悉已得之 應從中過 變異災禍 消滅無餘

彌勒大士 及諸形像 見如是等 種種事已 尋復滅盡 如前無異 成就如是 諸功德已 而為諸佛 之所讚歎 威德相貌 無量無邊 有大名稱 能卻怨家 他方盜賊 能令退散 勇捍多力 能破強敵 惡夢惱心 無量惡業 如是惡事 皆悉寂滅 若入軍陣 常能勝他 名聞流布 遍閻浮提 亦能摧伏 一切怨敵 遠離諸惡 修習諸善

入陣得勝 心常歡喜 大梵天王 三十三天 護世四王 金剛密迹 鬼神諸王 散脂大將 禪那英鬼 及緊那羅 阿耨達龍 娑竭羅王 阿修羅王 迦樓羅王 大辯天神 及功德天 如是上首 諸天神等 常當供養 是聽法者 生不思議 法塔之想 眾生見者 恭敬歡喜 諸天王等 亦各思惟 而相謂言 令是眾生 無量威德 皆悉成就 若能來至 是法會所 如是之人 成上善根 若有聽是 甚深經典 故嚴出往 法會之處 心生不可 思議正信 供養恭敬 無上法塔 如是大悲 利益眾生 即是無量 深法寶器 能入甚深 無上法性 由以淨心 聽是經典 如是之人 悉已供養 過去無量 百千諸佛 以是善根 無量因緣 應當聽受 是金光明 如是眾生 常為無量

諸天神王 之所愛護 大辯功德 護世四王 無量鬼神 及諸力士 晝夜精進 擁護四方 今無災禍 永離諸苦 釋提桓因 及日月天 閻摩羅王 風水諸神 韋馱天神 及毘紐天 及自在天 大辯天神 火神等神 大力勇猛 常護世間 書夜不離 大力鬼王 那羅延等 摩醯首羅 二十八部 諸鬼神等 散脂為首 百千鬼神 神足大力

擁護是等 令不怖畏 金剛密迹 大鬼神王 及其眷屬 五百徒黨 一切皆是 大菩薩等 亦悉擁護 聽是經者 摩尼跋陀 大鬼神王 富那跋陀 及金毘羅 阿羅婆帝 賓頭盧伽 黃頭大神 一一諸神 眷屬鬼神 各有五百 亦常擁護 聽是經者 質多斯那 阿修羅王 及乾闥婆 那羅羅闍 祁那娑婆 摩尼乾陀 及尼揵陀 主雨大神

大飲食神 金色髮神 及半支羅 有大威德 曇摩跋羅 針髮鬼神 勒那翅奢 及軍陀遮 復有大神 醯摩跋陀 多醯波醯 支羅摩伽 如是等神 皆有無量 神足大力 聽受如是 微妙經者

摩訶伽吒 半祁鬼神 車鉢羅婆 婆那利神 摩竭婆羅 繡利蜜多 摩訶婆那 劍摩舍帝 奢羅蜜帝 薩多琦梨 阿伽跋羅 央掘摩羅 當勤擁護

阿耨達龍 目真鄰王 伊羅鉢王 難陀龍王 跋難陀王 有如是等 百千龍王 以大神力 常來擁護 聽是經者 晝夜不離 波利羅睺 阿修羅王 毘摩質多 及以茂脂 睒摩利子 波訶梨子 佉羅騫馱 及以揵陀 是等皆是 阿修羅王 有大神力 常來擁護 聽是經者 晝夜不離 訶利帝南 鬼子母等 及五百神 常來擁護

娑伽羅王

聽是經者 旃陀旃陀 女等鳩羅 噉人精氣 皆有大力 十方世界 大辯天等 功德天等 地神堅牢 果實大神 心生歡喜 愛樂親近 於諸眾生 功德威貌 五星諸宿

若睡若寤 利大鬼神 鳩羅檀提 如是等神 常勤擁護 受持經者 無量天女 各與眷屬 種植園林 如是諸神 悉來擁護 是經典者 增命色力 莊嚴倍常 變異災怪

皆悉能滅 無有遺餘 夜臥惡夢 寤則憂悴 如是惡事 皆悉滅盡 地神大力 是經力故 能變其味 如是大地 至金剛際 厚十六萬 八千由旬 其中氣味 無不遍有 悉令涌出 是經力故 能令地味 悉出地上 厚百由旬 亦令諸天 大得精氣 充益身力 閻浮提內 心生歡喜 受樂無量

勢分甚深 潤益眾生 歡喜快樂 所有諸神

是經力故 諸天歡喜 百穀果實 皆悉滋茂 園苑叢林 其華開敷 香氣馝馚 充溢彌滿 百草樹木 生長端直 其體柔軟 無有斜戾 閻浮提內 其數無量 不可思議 心生歡喜 在在處處 於其池中 生種種華 優鉢羅華 拘物頭華 於自宮殿 令虚空中 無有塵翳

所有龍女 踊躍無量 莊嚴華池 波頭摩華 分陀利華 除諸雲霧

諸方清徹 淨潔明了 日王赫燄 放千光明 歡喜踊躍 照諸闇蔽 閻浮檀金 以為宮殿 止住其中 威德無量 日之天子 及以月天 聞是經故 是日天子 出閻浮提 心生歡喜 放於無量 光明明網 即於出時 放大光網 開敷種種 諸池蓮華 閻浮提內 無量果實 隨時成熟 是時日月 所照殊勝

精氣充實 遍照諸方 飽諸眾生

授記品第十四

爾時,如來將欲為是信相菩薩及其二子銀相、銀光,授阿耨多銀光,授阿有十年。 三菩提記,是時即有十年。 一子不至佛王而為上首,俱坐不不可禮佛告信相菩薩:「汝於來 一本不可時佛告信相菩薩:「汝於來 世,過無量無邊百千萬億不可稱

計那由他劫,金照世界當成阿耨 多羅三藐三菩提,號金寶蓋山王 如來、應供、正遍知、明行足、 善逝、世間解、無上士、調御丈 夫、天人師、佛、世尊。乃至是 佛般涅槃後,正法、像法皆滅盡 已,長子銀相當於是界次補佛處, 世界爾時轉名淨幢,佛名閻浮檀 金幢光照明如來、應供、正遍知、 明行足、善逝、世間解、無上士、 調御丈夫、天人師、佛、世尊。 乃至是佛般涅槃後,正法、像法 悉滅盡已,次子銀光復於是後次 補佛處,世界名字如本不異,佛 號日金光照如來、應供、正遍知、

明行足、善逝、世間解、無上士、 調御丈夫、天人師、佛、世尊。」 是十千天子聞三大士得受記莂, 復聞如是金光明經,聞已歡喜生 殷重心,心無垢累如淨琉璃,清 淨無礙猶如虛空。爾時如來知是 十千天子善根成熟,即便與授菩 提道記:「汝等天子於當來世,過 阿僧祇百千萬億那由他劫,於是 世界當成阿耨多羅三藐三菩提。 同共一家、一姓、一名,號曰青 目優鉢羅華香山如來、應供、正 遍知、明行足、善逝、世間解、 無上士、調御丈夫、天人師、佛、 世尊,如是次第出現於世,凡一

萬佛。」

爾時道場菩提樹神,名等增益, 白佛言:「世尊!是十千天子於忉 利宮,為聽法故,故來集此,云 何如來便與授記?世尊!我未曾 **聞是諸天子修行具足六波羅蜜**, 亦未曾聞捨於手足、頭目髓腦、 所愛妻子、財寶穀帛、金銀琉璃、 硨磲碼碯、真珠珊瑚、珂貝壁玉、 甘饌飲食、衣服臥具、病瘦醫藥、 象馬車乘、殿堂屋宅、園林泉池、 奴婢僕使,如餘無量百千菩薩, 以種種資生供養之具,恭敬供養 過去無量百千萬億那由他等諸佛 世尊。如是菩薩於未來世,亦捨

無量所重之物,頭目髓腦、所愛妻子,財寶穀帛乃至僕使,次第 妻子,成就具足,數經靈量,成就是 是已,然後苦行,動經記。世尊 是是,然後方得受菩提記。世尊 是天子等何因何緣,修行可等勝 是天子等何因天來暫得聞法便等 學記?惟願世尊為我解說,斷 疑網。

爾時佛告樹神:「善女天!皆有因緣,有妙善根,以隨相修。何以故?以是天子於所住處捨五欲樂故,來聽是金光明經。既聞法已,於是經中淨心殷重,如說修行,復得聞此三大菩薩受於記刻,亦

以過去本昔發心誓願因緣,是故 我今皆與受記,於未來世當成阿 耨多羅三藐三菩提。」

除病品第十五

佛告道場菩提樹神:「善女天!諦 聽!諦聽!善持憶念,我當為汝 演說往昔誓願因緣。過去無量不 可思議阿僧祇劫,爾時有佛出現 於世,名曰寶勝如來、應供、正 遍知、明行足、善逝、世間解、 無上士、調御丈夫、天人師、佛、 世尊。善女天!爾時是佛般涅槃 後,正法滅已,於像法中,有王 名曰天自在光王,修行正法,如 法治世,人民和順,孝養父母。

是王國中,有一長者名曰持水, 善知醫方,救諸病苦,方便巧知 四大增損。善女天!爾時持水長 者家中,後生一子,名曰流水, 體貌殊勝,端正第一,形色微妙, 威德具足,受性聰敏,善解諸論, 種種技藝,書疏、算計無不通達。 是時國內天降疫病,有無量百千 諸眾生等皆無免者,為諸苦惱之 所逼切。

「善女天!爾時流水長者子,見 是無量百千眾生受諸苦惱故,為 是眾生生大悲心,作是思惟:『如 是無量百千眾生受諸苦惱,我父 長者雖善醫方,能救諸苦,方便 巧知四大增損,年已衰邁,老耄 枯悴,皮緩面皺,羸瘦顫掉,行 來往反要因几杖,困頓疲乏,不 能至彼城邑聚落,而是無量百千 眾生復遇重病,無能救者。我今 當至大醫父所,諮問治病醫方祕 法, 諮稟知已, 當至城邑聚落村 舍,治諸眾生種種重病,悉令得 脫無量諸苦。』時長者子思惟是已, 即至父所,頭面著地,為父作禮, 叉手卻住,以四大增損而問於父, 即說偈言:

云何當知 四大諸根衰損代謝 而得諸病 云何當知 飲食時節

若食食已 身火不滅 云何當知 治風及熱 水過肺病 及以等分 何時動風 何時動熱 何時動水 以害眾生 時父長者,即以偈頌解說醫方, 而答其子:

隨時歲中 代謝增損 有善醫師 三月將養 隨病飲食 多風病者 其熱病者 等分病者 冬則發動 其肺病者 有風病者 夏則應服 肥膩醎酢 有熱病者 等分冬服 肺病春服 飽食然後

諸根四大 令身得病 隨順四時 調和六大 及以湯藥 夏則發動 秋則發動 春則增劇 及以熱食 秋服冷甜 甜酢肥腻 肥膩辛熱 則發肺病

於食消時 則發熱病 食消已後 則發風病 如是四大 隨三時發 風病羸損 補以酥膩 熱病下藥 服訶梨勒 等病應服 三種妙藥 所謂甜辛 及以酥膩 肺病應服 隨能吐藥 若風熱病 肺病等分 違時而發 應當任師 籌量隨病 飲食湯藥

「善女天!爾時流水長者子問其 父醫四大增損,因是得了一切醫 方。時長者子知醫方已,遍至國 內城邑聚落,在在處處隨有眾生 病苦者所,軟言慰喻,作如是言: 『我是醫師!我是醫師!善知方 藥,今當為汝療治救濟,悉令除 愈。』善女天!爾時眾生聞長者子 軟言慰喻,許為治病,心生歡喜, 踊躍無量。時有百千無量眾生遇 極重病,直聞是言心歡喜故,種 種所患即得除瘥,平復如本,氣 力充實。善女天!復有無量百千 眾生病苦深重難除瘥者,即共來 至長者子所。時長者子即以妙藥 授之令服,服已除瘥亦得平復。 善女天!是長者子於是國內治諸 眾生,所有病苦悉得除瘥。

卷第四

流水長者子品第十六

佛告樹神:爾時流水長者子於天 自在光王國內,治一切眾生無量 苦患已,令其身體平復如本,受 諸快樂,以病除故多設福業,修 行布施,尊重恭敬是長者子,作 如是言:『善哉!長者!能大增長 福德之事,能益眾生無量壽命, 汝今真是大醫之王, 善治眾生無 量重病,必是菩薩善解方藥。』善 女天!時長者子有妻,名曰水空 龍藏,而生二子,一名水空,二 名水藏。時長者子將是二子,次 第遊行城邑、聚落, 最後到一大

空澤中,見諸虎狼、狐犬、鳥獸 多食肉血,悉皆一向馳奔而去。 時長者子作是念言:『是諸禽獸何 因緣故一向馳走?我當隨後逐而 觀之。』時長者子遂便隨逐,見有 一池其水枯涸,於其池中多有諸 魚,時長者子見是魚已,生大悲 心。時有樹神示現半身,作如是 言:『善哉!善哉!大善男子!此 魚可愍,汝可與水,是故號汝名 為流水。復有二緣名為流水:一 能流水,二能與水。汝今應當隨 名定實!』時長者子問樹神言:『此 魚頭數為有幾所?』樹神答言: 『其數具足,足滿十千。』

「善女天!爾時流水聞是數已, 倍復增益生大悲心。善女天!時 此空池為日所曝,唯少水在,是 十千魚將入死門,四向宛轉,見 是長者,心生恃賴,隨是長者所 至方面, 隨逐瞻視, 目未曾捨。 是時長者馳趣四方,推求索水了 不能得,便四顧望見有大樹,尋 取枝葉,還到池上與作陰涼。作 陰涼已,復更推求是池中水本從 何來,即出四向周遍求覓,莫知 水處。復更疾走遠至餘處,見一 大河名曰水生。爾時復有諸餘惡 人為捕此魚故,於上流懸險之處, 决棄其水不令下過,然其決處懸

險難補,計當修治經九十日,百 千人功猶不能成, 況我一身! 時 長者子速疾還反至大王所,頭面 禮拜,卻住一面,合掌向王說其 因緣,作如是言:『我為大王國土 人民治種種病,漸漸遊行至彼空 澤,見有一池其水枯涸,有十千 魚為日所曝,今日困厄將死不久, 惟願大王借二十大象,令得負水 濟彼魚命,如我與諸病人壽命。』 「爾時大王即勅大臣速疾供給, 爾時大臣奉王告勅,語是長者: 『善哉!大士!汝今自可至象廄 中,隨意選取,利益眾生令得快 樂。』是時流水及其二子將二十大

象,從治城人借索皮囊,疾至彼 河上流決處,盛水象負,馳疾奔 還至空澤池,從象背上下其囊水 瀉置池中,水遂彌滿還復如本。 時長者子於池四邊彷徉而行,是 魚爾時亦復隨逐巡岸而行。時長 者子復作是念『是魚何緣隨我而 行?是魚必為飢火所惱,復欲從 我求索飲食,我今當與。』善女天! 爾時流水長者子告其子言:『汝取 一象最大力者,速至家中啟父長 者,家中所有可食之物,乃至父 母飲噉之分,及以妻子奴婢之分, 一切聚集,悉載象上急速來還。』 「爾時二子如父教勅,乘最大象

往至家中,白其祖父說如上事。 爾時二子收取家中可食之物,載 象背上,疾還父所至空澤池。時 長者子見其子還,心生歡喜,踊 躍無量,從子邊取飲食之物,散 著池中與魚食已,即自思惟:『我 今已能與此魚食,令其飽滿,未 來之世當施法食。』復更思惟『曾 聞過去空閑之處有一比丘,讀誦 大乘方等經典。其經中說,若有 眾生臨命終時,得聞寶勝如來名 號,即生天上。我今當為是十千 魚解說甚深十二因緣,亦當稱說 寶勝佛名。』時閻浮提中有二種人: 一者、深信大乘方等,二者、毀

些不生信樂。時長者子作是思惟: 『我今當入池水之中,為是諸魚 說深妙法。』思惟是已,即便入水 作如是言:『南無過去寶勝如來、 應供、正遍知、明行足、善逝、 世間解、無上士、調御丈夫、天 人師、佛、世尊!寶勝如來本往 昔時,行菩薩道作是誓願:若有 眾生於十方界臨命終時聞我名者, 當令是輩即命終已,尋得上生三 十三天。』爾時流水復為是魚解說 如是甚深妙法,所謂無明緣行, 行緣識, 識緣名色, 名色緣六入, 六入緣觸,觸緣受,受緣愛,愛 緣取,取緣有,有緣生,生緣老

死、憂悲苦惱。善女天!爾時流 水長者子及其二子說是法已,即 共還家。是長者子復於後時,賓 客聚會醉酒而臥,爾時其地猝大 震動,時十千魚同日命終。既命 終已生忉利天,既生天已作是思 惟:『我等以何善業因緣,得生於 此忉利天中?』復相謂言:『我等 先於閻浮提內,墮畜生中受於魚 身。流水長者子與我等水及以飲 食,復為我等解說甚深十二因緣, 并稱寶勝如來名號。以是因緣令 我等輩得生此天,是故我等今當 往至長者子所,報恩供養。』爾時 十千天子從忉利天下閻浮提,至

流水長者子大醫王家。」

「時長者子在樓屋上露臥眠睡, 是十千天子以十千直珠、天妙瓔 珞置其頭邊,復以十千置其足邊, 復以十千置右脅邊,復以十千置 左脇邊;雨曼陀羅華、摩訶曼陀 羅華,積至于膝,作種種天樂出 妙音聲,閻浮提中有睡眠者皆悉 覺寤,流水長者子亦從睡寤。是 十千天子於上空中飛騰遊行,於 天自在光王國內,處處皆雨天妙 蓮華。是諸天子復至本處空澤池 所復雨天華,便從此沒還忉利宮, 隨意自在受天五欲。時閻浮提過 是夜已,天自在光王問諸大臣:

『昨夜何緣,示現如是淨妙瑞相 有大光明?』大臣答言:『大王當 知,忉利諸天於流水長者子家, 雨四十千真珠瓔珞及不可計曼陀 羅華。』王即告臣:『卿可往至彼 長者家,善言誘喻,喚令使來。』 大臣受勅即至其家,宣王教令唤 是長者。是時長者尋至王所,王 問長者:『何緣示現如是瑞相?』 長者子言『我必定知是十千魚其 命已終。』時大王言:『今可遣人 審實是事。』爾時流水尋遣其子至 彼池所,看是諸魚死活定實。爾 時其子聞是語已,向於彼池,既 至池已,見其池中多有摩訶曼陀

羅華積聚成積,其中諸魚悉皆命終。見已即還,白其父言:『彼諸魚等悉已命終。』爾時流水知是事已,復至王所作如是言:『是十千魚悉皆命終。』王聞是已,心生歡喜。」

爾時世尊告道場菩提樹神:善去 長者子爾時流水長者子,今程 身是。長子水空,今羅睺羅是。 次藏,今阿難是。時十千 者,今十千天子是故我。 其授阿耨子是故我。 其授阿耨是菩提記。 時樹神現半身者,今汝身是。」 **捨身品第十七**

爾時道場菩提樹神復白佛言:世

尊!我聞世尊過去修行菩薩道時, 具受無量百千苦行,捐捨身命肉 血骨髓。惟願世尊少說往昔苦行 因緣,為利眾生受諸快樂。 爾時世尊即現神足,神足力故令 此大地六種震動,於大講堂眾會 之中,有七寶塔從地涌出,眾寶 羅網彌覆其上。爾時大眾見是事 已,生希有心。爾時世尊即從座 起禮拜是塔,恭敬圍繞還就本座。 爾時道場菩提樹神白佛言!世尊! 如來世雄出現於世,常為一切之 所恭敬,於諸眾生最勝最尊,何 因緣故禮拜是塔?」佛言:「善女 天!我本修行菩薩道時,我身舍

利安止是塔,因由是身,令我早 成阿耨多羅三藐三菩提。」 爾時佛告尊者阿難:「汝可開塔, 取中舍利示此大眾。是舍利者, 乃是無量六波羅蜜功德所熏。」爾 時阿難聞佛教勅,即往塔所禮拜 供養, 開其塔戶, 見其塔中有七 寶函。以手開函, 見其舍利色妙 紅白,而白佛言:「世尊!是中舍 利其色紅白。| 佛告阿難: | 汝可 持來,此是大士真身舍利。」爾時 阿難即舉寶 函還至佛所,持以上 佛。爾時佛告一切大眾: 汝等今 可禮是舍利,此舍利者是戒、定、 慧之所熏修,甚難可得最上福田。」

爾時大眾聞是語已,心懷歡喜, 即從座起,合掌敬禮大士会利。 爾時世尊欲為大眾斷疑網故,說 是舍利往昔因緣:「阿難!過去之 世有王名曰摩訶羅陀,修行善法, 善治國土,無有怨敵。時有三子 端正微妙,形色殊特,威德第一。 第一太子名曰摩訶波那羅,次子 名曰摩訶提婆,小子名曰摩訶薩 埵。是三王子於諸園林遊戲觀看, 次第漸到一大竹林憩駕止息。第 一王子作如是言:『我於今日心甚 怖懅,於是林中將無衰損?』第 二王子復作是言:『我於今日不自 惜身,但離所愛心憂愁耳!』第三

王子復作是言:『我於今日獨無怖 據,亦無愁惱,山中空寂,神仙 所讚,是處閑靜,能令行人安隱 受樂。』

「時諸王子說是語已,轉復前行, 見有一虎適產七日,而有七子, 圍繞周匝,飢餓窮悴,身體羸瘦, 命將欲絕。第一王子見是虎已, 作如是言:『怪哉!此虎產來七日, 七子圍繞不得求食,若為飢逼必 還噉子。』第三王子言:『此虎經 常所食何物?』第一王子言:『此 虎唯食新熱肉血。』第三王子言: 『君等誰能與此虎食?』第二王 子言:『此虎飢餓,身體羸瘦,窮

困頓乏,餘命無幾,不容餘處為 其求食,設餘求者命必不濟,誰 能為此不惜身命?』第一王子言: 『一切難捨不過己身。』第二王子 言:『我等今者以貪惜故,於此身 命不能放捨。智慧薄少,故於是 事而生驚怖。若諸大士欲利益他, 生大悲心為眾生者, 捨此身命不 足為難。』時諸王子心大愁憂,久 住視之,目未曾捨,作是觀已, 尋便離去。爾時第三王子作是念 言:『我今捨身時已到矣,何以 故?我從昔來多棄是身,都無所 為,亦常愛護,處之屋宅,又復 供給衣服、飲食、臥具、醫藥、

象馬、車乘,隨時將養,令無所 乏,而不知恩反生怨害,然復不 免無常敗壞。復次,是身不堅無 所利益,可惡如賊猶若行廁,我 於今日當使此身作無上業,於生 死海中作大橋梁。復次,若捨此 身,則捨無量癰疽瘭疾百千怖畏, 是身唯有大小便利,是身不堅如 水上沫,是身不淨多諸蟲戶,是 身可惡筋纏血塗,皮骨髓腦共相 連持,如是觀察甚可患厭。是故 我今應當捨離,以求寂滅無上涅 槃,永離憂患無常變異,生死休 息無諸塵累,無量禪定智慧功德, 具足成就微妙法身,百福莊嚴,

諸佛所讚,證成如是無上法身, 與諸眾生無量法樂。』是時王子勇 猛堪任,作是大願,以上大悲熏 修其心,慮其二兄心懷怖懅,或 恐固遮為作留難,即便語言:『兄 等今者可與眷屬還其所止。』 「爾時王子摩訶薩埵還至虎所, 脱身衣裳置竹枝上,作是誓言: 『我今為利諸眾生故,證於最勝 無上道故,大悲不動,捨難捨故, 為求菩提,智所讚故,欲度三有 諸眾生故,欲滅生死怖畏熱惱故。』 是時王子作是誓已,即自放身臥 餓虎前,是時王子以大悲力故, 虎無能為。王子復作如是念言:

『虎今羸瘦,身無勢力,不能得 我身血肉食。』即起求刀,周遍求 之了不能得,即以乾竹刺頸出血, 於高山上投身虎前。是時大地六 種震動,日無精光,如羅睺羅阿 修羅王捉持障蔽,又雨雜華種種 妙香,時虛空中有諸餘天見是事 已,心生歡喜,歎未曾有,讚言: 『善哉!善哉!大士!汝今真是 行大悲者,為眾生故能捨難捨, 於諸學人第一勇健,汝已為得諸 佛所讚常樂住處,不久當證無惱 無熱清涼涅槃。』是虎爾時見血流 出汙王子身,即便舐血,噉食其 肉,唯留餘骨。爾時第一王子見

地大動,為第二王子而說偈言:

震動大地 及以大海 日無精光 如有覆蔽 於上虛空 雨諸華香 必是我弟 捨所愛身 第二王子復說偈言:

「時二王子心大愁怖,涕泣悲歎,容貌憔悴,復共相將,還至虎所, 見弟所著被服衣裳,皆悉在一竹

枝之上,骸骨髮爪布散狼藉,流 血處處遍汙其地。見已悶絕不自 勝持,投身骨上,良久乃蘇,即 起舉首號天而哭:『我弟幼稚,才 能過人,特為父母之所愛念。奋 忽捨身以飼餓虎,我今還宮,父 母說問,當云何答?我寧在此併 命一處,不忍見是骸骨髮爪,何 心捨離,還見父母、妻子、眷屬、 朋友、知識!』時二王子悲號懊惱 漸捨而去。 時小王子所將侍從, 各散諸方,互相謂言:『今者我天 為何所在?』爾時王妃於睡眠中, 夢乳被割,牙齒墮落,得三鴿雞 一為鷹食。爾時王妃大地動時,

即便驚寤,心生愁怖而說偈言:

今日何故 大地大水 一切皆動 物不霉 粉 如有 對 如 有 題 動 相 現 到 明 期 相 则 如 有 災 異 不 祥 苦 惱

淚而言:『如何今日失我心中所愛 重者?』」

爾時世尊欲重宣此義而說偈言:

我於往昔 無量劫中 捨所重身 以求菩提 若為國王 及作王子 常捨難捨 以求菩提 我念宿命 有大國王 其王名曰 摩訶羅陀 是王有子 能大布施 其子名曰 摩訶薩埵 復有二兄 長者名曰 大波那羅 次名大天 三人同遊 至一空山 見新產虎 飢窮無食

時勝大士 生大悲心 我今當捨 所重之身 此虎或為 飢餓所逼 儻能還食 自所生子 即上高山 自投虎前 為令虎子 得全性命 是時大地 及諸大山 皆悉震動 驚諸蟲獸 虎狼師子 四散馳走 世間皆闇 無有光明 是時二兄 故在竹林 心懷憂惱 愁苦涕泣 漸漸推求 遂至虎所 血汙其口 見虎虎子 髮毛爪齒 又見骸骨

處處迸血 狼藉在地 時二王子 見是事已 心更悶絕 自躄於地 以灰塵土 自塗坌身 忘失正念 生狂癡心 覩見是事 所將侍從 失聲號哭 亦生悲慟 互以冷水 共相噴灑 然後蘇息 而復得起 是時王子 當捨身時 正值後宮 妃后婇女 眷屬五百 共相娛樂 王妃是時 兩乳汁出 痛如針刺 一切肢節 心生愁惱 似喪愛子

於是王妃 疾至王所 其聲微細 悲泣而言 大王今當 諦聽諦聽 憂愁盛火 今來燒我 我今二乳 俱時汁出 身體苦切 如被針刺 我見如是 不祥瑞相 恐更不復 見所愛子 今以身命 奉上大王 願速遣人 求覓我子 在我懷抱 夢三鴿雛 其最小者 可適我心 有鷹飛來 奪我而去 夢是事已 即生憂惱 我今愁怖 恐命不濟

願速遣人 推求我子 是時王妃 說是語已 即時悶絕 而復躄地 王聞是語 復生憂惱 以不得見 所愛子故 其王大臣 及諸眷屬 悉皆聚集 在王左右 哀哭悲號 聲動天地 爾時城內 所有人民 聞是聲已 驚愕而出 各相謂言 今是王子 為活來耶 為已死亡 如是大士 常出軟語 為眾所愛 今難可見 已有諸人 入林推求

得定消息 不久自當 諸人爾時 慞惶如是 而復悲號 哀動神祇 爾時大王 即從座起 以水灑妃 良久乃蘇 還得正念 微聲問王 我子今者 為死活耶 爾時王妃 念其子故 倍復懊惱 心無暫捨 可惜我子 形色端正 如何一旦 捨我終亡 云何我身 不先薨沒 而見如是 諸苦惱事 善子妙色 猶淨蓮華 誰壞汝身 使令分離

將非是我 昔日怨讎 挾本業緣 而殺汝耶 我子面目 淨如滿月 不圖一旦 遇斯禍對 寧使我身 破碎如塵 不令我子 喪失身命 我所見夢 已為得報 直我無情 能堪是苦 如我所夢 牙齒墮落 二乳一時 汁自流出 必定是我 失所愛子 夢三鴿雞 鷹奪一去 必定失一 三子之中 爾時大王 即告其妃 我今當遣 大臣使者

周遍東西 推求覓子 汝今且可 莫大憂愁 大王如是 慰喻妃已 即便嚴駕 出其宮殿 心生愁惱 憂苦所切 雖在大眾 顏貌憔悴 即出其城 覓所愛子 爾時亦有 無量諸人 哀號動地 尋從王後 是時大王 既出城已 四向顧望 求覓其子 煩惋心亂 靡知所在 最後遙見 有一信來 頭蒙塵土 血汙其衣 灰糞塗身 悲號而至

爾時大王 摩訶羅陀 見是使已 倍生懊惱 舉首號叫 仰天而哭 先所遣臣 尋復來至 既至王所 作如是言 願王莫愁 諸子猶在 不久當至 令王得見 須臾之頃 復有臣來 見王愁苦 顏貌憔悴 身所著衣 垢膩塵汙 大王當知 一子已終 二子雖存 哀悴無賴 第三王子 見虎新產 飢窮七日 恐還食子 見是虎已 生大悲心

發大誓願 當度眾生 於未來世 證成菩提 即上高處 投身虎前 虎飢所逼 便起噉食 一切血肉 已為都盡 唯有骸骨 是時大王 聞臣語已 轉復悶絕 失念躄地 憂愁盛火 -諸臣眷屬 以水灑王 復起舉首 復有臣來 而白王言 向於林中 見二王子 愁憂苦毒 悲號涕泣

狼藉在地 熾然其身 亦復如是 良久乃蘇 號天而哭

迷悶失志 自投於地 臣即求水 灑其身上 乃還蘇息 良久之頃 望見四方 大火熾燃 扶持暫起 尋復躄地 舉首悲哀 號天而哭 其弟功德 乍復讚歎 是時大王 以離愛子 其心迷悶 氣力惙然 憂惱涕泣 並復思惟 是最小子 我所愛重 無常大鬼 奄便吞食 其餘二子 今雖存在 而為憂火 之所焚燒 或能為是 喪失命根 我宜速往 至彼林中 迎載諸子 急還宮殿 其母在後 憂苦逼切 心肝分裂 或能失命 若見二子 慰喻其心 餘年壽命 可使終保 駕乘名象 爾時大王 與諸侍從 欲至彼林 即於中路 見其二子 號天扣地 稱弟名字 時王即前 抱持二子 悲號涕泣 隨路還宮 速令二子 覲見其母

佛告樹神:「汝今當知,爾時王子摩訶薩埵,捨身飼虎,今我身是;

爾時大王摩訶羅陀,於今父王輸 頭檀是;爾時王妃,今摩耶是; 第一王子,今彌勒是;第二王子, 今調達是;爾時虎者,今瞿夷是; 時虎七子,今五比丘及舍利弗、 目犍連是。爾時大王摩訶羅陀及 其妃后悲號涕泣,悉皆脫身御服 瓔珞,與諸大眾往竹林中收其舍 利,即於此處起七寶塔。是時王 子摩訶薩埵臨捨命時,作是誓願: 『願我会利,於未來世,過算數 劫,常為眾生而作佛事。』」 說是經時,無量阿僧祇諸天及人 發阿耨多羅三藐三菩提心。樹神! 是名禮塔往昔因緣。爾時佛神力

故,是七寶塔即沒不現。 **讚佛品第十八**

爾時無量百千萬億諸菩薩眾,從此世界至金寶蓋山王如來國土,到彼土已,五體投地為佛作禮,卻住一面合掌向佛,異口同音而讚歎曰:

師子吼聲 大雷震聲 六種清淨 迦陵頻伽 清淨無垢 百福相好 光明遠照 無有齊限 智慧寂滅 無諸愛習 世尊成就 無量功德 譬如大海 須彌寶山 為諸眾生 生憐愍心 於未來世 如來所說 第一深義 能令眾生 能與眾生 無量快樂 能演無上 甘露妙法

微妙音聲 孔雀之聲 威德具足 莊嚴其身 能與快樂 寂滅安隱

能開無上 甘露法門 能入一切 無患窟宅 能令眾生 悉得解脫 度於三有 無量苦海 安住正道 無諸憂苦 如來世尊 功德智慧 大慈悲力 精進方便 如是無量 不可稱計 我等今者 不能說喻 諸天世人 於無量劫 盡思度量 不能得知 如來所有 功德智慧 無量大海 一滴少分 如來功德 我今略讚 百千億分 不能宣一

若我功德 得聚集者 迴與眾生 證無上道 爾時信相菩薩即於此會從座而起, 偏袒右肩,右膝著地,合掌向佛 而說讚言:

> 世尊百福 相好微妙 功德千數 莊嚴其身 色淨遠照 視之無厭 如日千光 彌滿虛空 光明熾盛 無量無邊 珍寶大聚 猶如無數 其明五色 青紅赤白 如融真金 琉璃頗梨 光明赫奕 通徹諸山 悉能遠照 無量佛土

能滅眾生 無量苦惱 又與眾生 上妙快樂 諸根清淨 眾生見者 無有厭足 髮紺柔軟 如諸蜂王 集在蓮華 清淨大悲 無量三昧 如是功德 悉已聚集 相好妙色 種種功德 如來悉能 令心柔軟 種種深妙 亦為十方 諸佛所讚

微妙第一 猶孔雀項 功德莊嚴 及以大慈 嚴飾其身 助成菩提 調伏眾生 受諸快樂 功德莊嚴

其光遠照 遍於諸方 猶如日月 充滿虚空 如須彌山 功德成就 在在示現 於諸世界 齒白齊密 猶如珂雪 其德如日 處空明顯 眉間毫相 右旋宛轉 光明流出 如琉璃珠 其色微妙 如日處空 爾時道場菩提樹神復說讚曰:

南無清淨 無上正覺 甚深妙法 隨順覺了 遠離一切 成佛正覺 成佛正覺 和有非有

希有希有 如來功德 希有希有 如來大海 希有希有 如須彌山 希有希有 佛無邊行 希有希有 佛出於世 如優曇華 時一現耳 希有如來 無量大悲 釋迦牟尼 為人中日 為欲利益 諸眾生故 宣說如是 妙寶經典 善哉如來 諸根寂滅 而復遊入 善寂大城 無垢清淨 甚深三昧 所行之處 入於諸佛 一切聲聞 身皆空寂

兩足世尊 行處亦空 如是一切 推本性相 一切眾生 狂愚心故 我常念佛 常作誓願 我常於地 其心戀慕 我常修行 哀泣雨淚 我常渴仰 為是事故 惟願世尊 清冷法水 以滅是火

無量諸法 亦皆空寂 性相亦空 不能覺知 樂見世尊 不離佛日 長跪合掌 欲見於佛 最上大悲 欲見於佛 欲見於佛 憂火熾燃 賜我慈悲

世尊慈愍 悲心無量 願賜我身 常得見佛 世尊常護 一切人天 是故我今 渴仰欲見 聲聞之身 燄幻響化 如水中月 眾生之性 如夢所見 如來行處 淨如琉璃 入於無上 甘露法處 能與眾生 無量快樂 如來行處 一切眾生 無能知者 五通神仙 及諸聲聞 一切緣覺 亦不能知 我今不疑 佛所行處

猶如虚空 微妙甚深 惟願慈悲 為我現身 爾時世尊從三昧起,以微妙音而 讚歎言:「善哉善哉!樹神善女! 汝於今日快說是言,一切眾生若 聞此法,皆入甘露無生法門。」 **囑累品第十九**

汝等諸天常當擁護,當知是人, 於未來世無量百千人天之中,常 受快樂,於未來世值遇諸佛,疾 得證成阿耨多羅三藐三菩提。 爾時諸大菩薩及天龍王二十八部 散脂大將等,即從座起,到於佛 前,五體投地,俱發聲言: 如世 尊勅,當具奉行!如是三白:「如 世尊勅,當具奉行。」於是散脂大 將等而白佛言:「如世尊勅,若未 來世中,有受持是經,若自書, 若使人書,我當與此二十八部諸 鬼神等,常當隨侍擁護,隱蔽其 身。是說法者,皆悉消滅諸惡, 令得安隱,願不有慮。

爾時釋迦牟尼佛現大神力,十方 無量世界悉皆六種震動。是時諸 佛皆大歡喜,囑累是經故,讚美 持法者,現無量神力。於是無量 無邊阿僧祇菩薩摩訶薩大眾,及 信相菩薩金光、金藏、常悲、法 上等,及四天大王十千天子,與 道場菩提樹神堅牢地神,及一切 世間天、人、阿修羅等,聞佛所 說,皆發無上菩提之道,踊躍歡 喜,作禮而去。

薩菩天尊馱韋法護無南

神功叵測有求必應

威鎮三洲推邪顯正

國家圖書館出版品預行編目(CIP)資料

金光明經 / 北涼三藏法師曇無讖譯. -- 臺南市:

和裕, 民 104.08

公分 面;

ISBN 978-986-5645-28-1(平裝)

1.經集部

221.742

※

歡

104014577

傳

法藏 叢 書 C224

輾普

為

出

資

及

讀

誦

受

持

轉

流

通

者

迴

向

偈

日

明 共 四

出 版 者 和 裕 出版 社

地 址 台南 市 709 安南 區 海 佃

路二段六三六巷五

號

電 話 六) 四 四 二三

盡

此

報

身

同

生

極

樂

國

若

有

見

聞

者

悉

一發菩提

N)

上

報

四

重

恩

下

濟三

途

願

以

此

功

德

莊

嚴

佛

淨

土

五 四

真: 撥 三〇 \bigcirc 0 六) セ Ξ = 九 五 六 四 六

四

九

户

郵

名 和 裕 出 版 社

政 院 新 聞 局 局 版 臺 業字第三

九 號

行

EP 刷 者 和 裕 出 版 社

話 0 六 _ 五 六 六 四 四

Ξ 7

四

價 0 \bigcirc 元 次 訂 購 百 本 以上另有優

※

電

※

定 單 次 訂 購 未 滿五 0 〇元 請 加 郵資處理費一〇〇元 惠

迎 上 網 查 詢 其它書籍 http://www.he-yu.com.tw

公元二〇 八年最新修 訂 版